



2013 йил 21 ноябрь, пайшанба, 47 (523)-сон

# XASR



IJTIMOIY-SIYOSIY GAZETA

Газета 2004 йил 1 январдан чица бошлаган. e-mail: axborotXlasr@yahoo.com, web sayt: www.2lasr.uz

TADBIRKORLAR VA ISHBILARMONLAR HARAKATI — O'ZBEKISTON LIBERAL-DEMOKRATIK PARTIYASI NASHRI



**500 минг нафарга яқин тадбиркор а'елимиз бор**

**3 МУНОСАБАТ**



**Депутат ва БПТ ҳамкорлиги**

**5 ҚҲЙИ БҲҒИНЛАРДА**



**«Қора ажал» оғушида**

**7 ХАЛҚАРО ҲАЁТ**

## ҚҲҚҲҚЙ ЭКСПЕРИМЕНТ

# Очиқлик ва ошкораликнинг ҳуқуқий асоси

Қарши шаҳрида О'zLiDeP Сиёсий Кенгаши Ижроия қўмитаси томонидан «Давлат ҳокимияти ва бошқаруви органлари фаолиятининг очиқлиги тўғрисида»ги қонун лойиҳаси синови бўйича амалга ошириладиган ҳуқуқий эксперимент ва унинг натижалари муҳокама этилди

Партия Сиёсий Кенгаши Ижроия қўмитаси ва унинг Олий Мажлис Қонунчилик палатасидаги фракцияси аъзолари, халқ депутатлари вилоят, туман, шаҳар кенгашлари депутатлик гуруҳлари аъзолари, Ўзбекистон Фермерлари кенгаши, Савдо-саноат палатаси ва бошқа ҳамкор ташкилотлар вакиллари иштирок этган тадбирда О'zLiDeP Сиёсий Кенгаши Ижроия қўмитаси раиси Муҳаммадюсуф Тешабоев, Олий Мажлис Қонунчилик палатаси депутати Робохон Абдурашулова, вилоят Фермерлар кенгаши раиси Бахтиёр

Сафаров, Савдо-саноат палатаси вилоят бошқармаси бошлиғи Саъдулла Бобоқулов сўзга чиқиб, мазкур қонун кичик бизнес ва хусусий тадбиркорлик, фермерлик ҳаракатини ривожлантиришда муҳим аҳамият касб этиши, бинобарин, унинг янада такомиллаштирилиши ва қабул қилинишидан жамиятимизда стақчи ижтимоий кучга айланиб бораётган тадбиркор ва ишбилармонлар, фермерлар хар жиҳатдан манфаатдор эканлигини таъкидладилар.

4 >>>



Солиқ ЗОИР олган сурат

## Кичик бизнес иш ўринлари яратишнинг энг самарали усулидир

О'zLiDeP фракциясининг «2014 йилда иш ўринлари ташкил этиш ва аҳоли бандлигини таъминлаш дастури» лойиҳаси муҳокамасига бағишланган йиғилишида 2014 йили мамлакатимизда 980 мингдан зиёд янги иш ўрни ташкил этиш режалаштириладигани таъкидланди

Йиғилишида қайд этилганидек, «2014 йилда иш ўринлари ташкил этиш ва аҳоли бандлигини таъминлаш дастури» туман ва шаҳарлар кесимида меҳнат бозоридagi талаб ва эҳтиёждан келиб чиққан ҳолда иқтисодиёт тармоқлари ва ҳудудлари ривожлантириш дастурларига мос равишда тайёрланган. Ана шу муҳим ҳужжатдан қўзда тутил-

ган асосий мақсад иш ўринлари яратини бўйича мавжуд салоҳиятдан демографик омилларни ҳисобга олган ҳолда оқилона фойдаланиш, бандлиқнинг самарали шакллари ва аҳолининг ишбилармонлик ташаббусларини рағбатлантиришдан иборат. Шунинг учун ҳам янги объектларни шига тушириш, мавжуд корхоналарни модернизация-

лаш ва қайта жиҳозлаш, саноат, қурилиш, хизматлар кўрсатиш ва сервис соҳаларида кичик бизнес ва хусусий тадбиркорликни жадал ривожлантириш, инфратузилма, коммуникация ва уй-жой объектлари қурилиши қўламини кенгайтиришга дастурда алоҳида эътибор қаратилган.

3 >>>



## Сўз – форум иштирокчипариги

# Ўзбекистон қуёш энергиясидан фойдаланиш борасида улкан салоҳиятга эга

Тошкент шаҳрида 20-23 ноябрь кунлари Осие Қуёш энергияси форумининг 6-йиғилиши бўлиб ўтади

Мазкур халқаро анжуманда иштирок этиш учун мамлакатимизга келган хорижлик мутахассислар, олимлар ва экспертлар 20 ноябрь куни Тошкент вилоятининг Паркент туманидаги «Физика-Қуёш» пилний-ишлаб чиқариш биранамаси Материалшунослик институтида бўлиб, ушбу институт

фаолияти, тадқиқотчилар учун яратилган шарт-шароит, қуёш энергиясидан фойдаланиш соҳасида олиб бориладиган илмий изланишлар, ҳаётга татбиқ этиладиган лойиҳалар билан танишдилар. Туманда намунавий лойиҳалар асосида барпо этилган замонавий уй-жойларни бориб кўрдилар.

ЎзА мухбирлари уларнинг айримлари билан сўхбатлашди.

2 >>>

## КЕЛГУСИ СОНЛАРДА:

«ХУСУСИЙ МУЛКНИ ҲИМОЯ ҚИЛИШ ВА МУЛҚДОРЛАР ҲУҚУҚЛАРИНИНГ КАФОЛАТЛАРИ Тўғрисида»ги қонуннинг 1-БОБИДА ХУСУСИЙ МУЛҚ ҲУҚУҚИНИ АМАЛГА ОШИРИШ ҚОИДАЛАРИ, ХУСУСИЙ МУЛҚ ҲУҚУҚИНИНГ МУДДАТСИЗЛИГИ, БУЗИЛГАН ХУСУСИЙ МУЛҚ ҲУҚУҚИНИНГ ТИКЛАНИШИ ҲАМДА МУЛҚДОР ҲУҚУҚЛАРИНИНГ УСТУВОРЛИГИ АНИҚ БЕЛГИЛАБ ҚўЙИЛДИ.



Тўлқин ТУРСУНОВ, Олий Мажлис Қонунчилик палатаси депутати, О'zLiDeP фракцияси аъзоси

## ПАРЛАМЕНТДА

# Қонун ижроси назорати янада кучайтирилиши керак

Олий Мажлис Қонунчилик палатасининг Ахборот ва коммуникация технологиялари масалалари қўмитаси аъзолари Жиззах ва Хоразм вилоятларида «Почта алоқаси тўғрисида»ги Ўзбекистон Республикаси қонуни талаблари қандай бажариладиганини муҳокама қилдилар

– Кейинги йилларда почта тизимининг моддий-техник имкониятлари яхшилангани миқозларга хизмат кўрсатиш сифатини ҳам кескин ошириш имконини берди, – дейди Ахборот ва коммуникация технологиялари масалалари қўмитаси раиси, О'zLiDeP фракцияси аъзоси Абдурашид Жўрабоев. – Почта алоқаси объектларида электрон пул жўнатмалари, коммунал тўловларни қабул қилиш каби интерактив хизматлар назоратининг автоматлаштирилиши тизими йўлга қўйилгани сабабли сон ва сифат кўрсаткичлари ҳам ижобий томонга ўзгарди. Миқол учун, 2013 йилнинг тўққиз ойида пул жўнатмалари ўтган йилнинг шу даврига нисбатан Хоразмда 3, Жиззах вилоятида эса 1,2 бараварга кўнайган.

Почта алоқаси корхоналарида интернет орқали обуна уюштириш мақсадида «Даврий нашрлар тарқатилишини ҳисобга олиш ва назорат этиш автоматлаштирилган тизими» («Обуна» АТ) ишлаб чиқилгани ҳам диққатга сазовор. Шунингдек, почта ва қуриёрлик жўнатмала-

ри хавфсизлигини таъминлаш учун қўлланиладиган видеокузатув тизимининг техник имкониятлари ҳам тобора кенгайтирилишти.

Қонун талаблари қандай бажариладиганини назорат-таҳлил тартибида ўрганганимизда фуқароларга пенсия ва нафақаларни, обуначиларга эса турли нашрларни ўз вақтида етказиб бериш масалаларига алоҳида эътибор қаратдик, – дейди О'zLiDeP фракцияси аъзоси Нурриддин Муротов. – Бу борада хар икки вилоятда ҳам ижобий ўзгаришлар қўзғашланди. Айниқса, почта алоқаси объектлари Ўзбекистон Республикаси Молия вазирлиги ҳузурдаги бюджетдан ташқари Пенсия жамғармасининг автоматлаштирилган тизими билан улгангани нафақа пулларини беришда ҳам қўшимча қўлайлик яратган. Лекин хат-хабарлар, расмий ёзишмалар ва босма нашрларни ўз вақтида етказиш масаласида қонун талабларига тўлиқ риоя қилинапти, деб бўлмайд.

3 >>>



## ДАВР БИЛАН ҲАМҚАДАМ

«Ўзэкспомарказ» кўрғазмалар мажмуасида Ўзбекистон матбуоти III Миллий кўрғазмаси бошланди

Мазкур кўрғазма Ўзбекистон матбуот ва ахборот агентлиги томонидан қатор ташкилот ва идоралар билан ҳамкорликда ташкил этилди.

Кўрғазманинг очилишида Ўзбекистон журналистлари ижодий уюшмаси раиси Ш.Ғуломов, Ўзбекистон Республикаси Олий Мажлиси Сенатининг Фан, таълим, маданият ва спорт масалалари қўмитаси раиси М.Ҳўжамбердиев, Ўзбекистон матбуот ва ахборот агентлиги бош директори О.Юнусов ва бошқалар Президентимиз Ислам Каримов раҳнамолигида мустақиллик йилларида ижтимоий-иқтисодий тармоқлар билан бирга оммавий ахборот воситалари, матбаа, нашриёт соҳаларини жадал раванқ топтиришга устувор вазифа сифатида эътибор қаратиладиганини таъкидладилар.

2 >>>

Ўзбекистон Республикаси Марказий банки 19 ноябрдан бошлаб валюта операциялари бўйича бухгалтерия ҳисоби, статистик ва бошқа ҳисоботлари юришти, шунингдек, божхона ва бошқа мажбурий тўловлари учун хорижий валюталарнинг сўмга нисбатан қуйидаги қийматини белгилади.\*

\*) Валютан қийматини белгилаш ҳолида Ўзбекистон Республикаси Марказий банки мазкур валюталарни ушбу қийматда сотиш ёки олиш мажбуриятини олмайди.

1 Австралия доллари	▲ 2054,21
1 Англия фунт стерлинги	▲ 3526,25
1 Дания кронаси	▲ 395,57
1 БАА дирҳами	▲ 595,43

1 АКШ доллари	▲ 2186,96
1 Миер фунти	▲ 317,49
1 Исландия кронаси	▲ 18,06
1 Канада доллари	▲ 2097,00

1 Хитой юани	▲ 359,05
1 Малайзия рингити	▲ 684,71
1 Польша злотийси	▲ 705,88
1 СДР	▲ 3341,41

1 Туркия лираси	▲ 1078,17
1 Швейцария франки	▲ 2391,69
1 ЕВРО	▲ 2967,49
10 Жанубий Корейя вони	▲ 20,61

10 Япония иенаси	▼ 218,28
1 Россия рубли	▼ 66,92
1 Украина гривнаси	▲ 273,61

## Мамлакатингизда

бошқа соҳалар қатори энергетика ҳам жадал ривожланмоқда.

### СЎЗ – ФОРУМ ИШТИРОКЧИПАРИГА



## Ўзбекистон куёш энергиясидан фойдаланиш борасида улкан салоҳиятга эга

Давоми. Бошланиши 1-саҳифада ◀◀

### Ашриянто КУКУ,

«Green Energy» компанияси директори (Индонезия):

— Ўзбекистон Республикаси Фанлар академиясининг «Физика-Куёш» илмий ишлаб чиқариш бирлашмаси Материалшунослик институтида бўлиб, бу ерда олиб борилаётган тадқиқотлар ва илмий-техник ютуқлар билан танишдик. Илгор технологиялар билан жиҳозланган институтида ўтказилаётган илмий тадқиқотлар самаралари Ўзбекистон иқтисодийнинг кўплаб тармоқ ва соҳаларида кенг жорий этилаётганини диққатга сазовор.

Ўзбекистонлик мутахассислар билан куёш энергиясидан самарали фойдаланиш бўйича фаол ҳамкорлик қилиш ниятидамы.

### Иштван ХЕЦЛЕР,

«Sonnenkraft» компанияси савдо директори (Венгрия):

— Ўзбекистон муқобил энергетика соҳасида улкан салоҳиятга эга эканига ишонч ҳосил қилдик. Хусусан, мамлакатингиз иқлими куёш энергиясидан фойдаланишда жуда қўл келади. Ўзбекистонда йилнинг қарийб 300 кунни офтоб чараклаб туриши куёш энергиясидан фойдаланишда улкан имкониятлар.

Ўзбекистон Республикаси Фанлар академиясининг «Физика-Куёш» илмий ишлаб чиқариш бирлашмаси негизда Осие таракқиёт банки ва бошқа молия институтлари билан ҳамкорликда ташкил қилинаётган Халқаро куёш энергияси институти бу борадаги ишларни янада ривожлантиришга хизмат қилади.

### Борис КОРОБКО, Украина Фанлар академияси академиги:

— Президент Ислоҳ Каримов раҳнамолигида Ўзбекистонда энергия манбаларида оқилона фойдаланиш, экологик соф технологияларни ҳаётга жорий этиш, муқобил энергиядан фойдаланишни кенгайтириш, бу борадаги илмий изланишларни қўллаб-қувватлаш бўйича кенг қўламли ишлар амалга оширилаётганидан яхши хабардормы.

Ўзбекистон Республикаси Фанлар академиясининг «Физика-Куёш» илмий-ишлаб чиқариш бирлашмаси Материалшунослик институтида олимлар учун яратилган шарт-шароитлар бу соҳага қаратилаётган эътиборнинг амалдаги яққол ифодасидир.

Ушбу институтида яратилган илмий тадқиқотларни ҳорижда ҳам яхши билишди. Бир неча йил илгари бу ерда куёш нурига лазер нурига айланган тадқиқотларни яратилган илмий доираларда катта шов-шув бўлган эди. Бу технология 2010 йилда ЮНЕСКОнинг йиллик ҳисоботида энг яхши ишланмалардан бири сифатида эътироф этилган.

### Майкл ТЕНГ, Сингапур ишлаб чиқарувчилари федерацияси вакили:

— Ўзбекистон муқобил энергия манбаларини ривожлантириш борасида улкан салоҳиятга эга эканига амин бўлдим. Ўзбекистон Республикаси Фанлар академияси «Физика-Куёш» илмий-ишлаб чиқариш бирлашмаси Материалшунослик институтида экологик соф энергиядан фойдаланиш борасида олиб борилаётган илмий изланишлар эътиборга молик. Институтида амалга оширилаётган илмий ишланмаларни амалиётга жорий этиш мамлакатингиз иқтисодиётини юксалтиришга хизмат қилади.

Қўшлок жойларда намунавий лойиҳалар асосида қурилган уй-жойларни қўриб, жуда хавасим келди. Мазкур уйлarning лойиҳаси, ўзига хос дизайн, уларни барпо этишда фойдаланилган қурилиш материалларининг юқори сифати таҳсинга лойик. Бу материалларнинг Ўзбекистонда ишлаб чиқарилаётгани мамлакатингизда қурилиш материаллари индустрияси ҳам жадал ривожланаётганидан далолатдир.

### Майкл ЭДЕЛЬШТЕЙН,

Атроф-муҳитни ўрганиш институти директори, профессор (АҚШ):

— Куёш энергияси технологияларининг тенденциялари ва истиқболларига баёнлаб ташкил этилган ушбу халқаро форум нафақат Ўзбекистон, балки бутун дунё учун муҳим аҳамиятга эга.

Куёш энергияси экологик софлиги ва қулайлиги нуқтаи назардан жуда истиқболлидир. Куёш қурилмалари марказлашган электр ва иссиқлик тизимларидан узоқда жойлашган ҳудудларни электр энергияси ва иссиқлик билан таъминлашда жуда фойдали. Ўзбекистон бу борадаги мавжуд салоҳиятидан самарали фойдаланаётгани қувонарли.

### Петерис ШИПКОВС,

Латвия Фанлар академиясининг физика-энергетика институти энергия ресурслари лабораторияси мудири, профессор:

— Ўзбекистонда бошқа соҳалар қатори энергетика ҳам жадал ривожланмоқда. Паркентдаги «Физика-Куёш» илмий-ишлаб чиқариш бирлашмасининг Материалшунослик институтида амалга оширилаётган ишларни қўриб, бунга яна бир бор амин бўлдим. Институтида йирик ва кичик куёш энергетик қурилмаларини яратиш, куёш қурилмаси функционал имкониятларини кенгайтириш каби йўналишлар бўйича илмий тадқиқотлар олиб борилаётган. Институти олимлари билан тажриба алмашини, дунёда энергетика соҳасида рўй бераётган ўзгаришлар ҳақида фикрлашни имкониятига эга бўлдик.

Ирода УМАРОВА, Нодира МАНЗУРОВА, Холмурод САЛИМОВ (ЎЗА махсус мухбирлари) ёзиб олди.

## Ҳаётимни ёш авлод

тарбиясига бағишлаб, муносиб шогирдлар вояга етказётганимдан бахтиёрман.

# Давр билан ҳамқадам

Давоми. Бошланиши 1-саҳифада ◀◀

Назokat УСМОНОВА,  
ЎЗА мухбири

Давлатимиз раҳбари томонидан илгари сурилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида белгиланган вазифалар ахборот соҳасини ислох қилиш, ахборот ва сўз эркинлигини таъминлашда ҳам сифат жиҳатдан янги босқични бошлаб берди. Ахборот соҳасини янада либераллаштириш, сўз эркинлигини таъминлашга қаратилган ташкилий-ҳуқуқий чора-тадбирлар оммавий ахборот воситаларининг фаол ривожланиши учун кенг имкониятлар очмоқда.

Соҳага давлатимиз томонидан қўрсатилаётган доимий эътибор натижасида оммавий ахборот воситалари амалга оширилаётган изчил ислохотлар очкилигини, фуқароларнинг сўз эркинлиги ва фикрлар хилма-хиллигини таъминлашда муҳим аҳамият касб этмоқда. Матбуот, телевидение ва радио-каналларнинг глобал интернет тармоқидан жой олиши учун кенг имкониятлар яратилгани барча соҳалардаги тузғаришларнинг очкилигини таъминлашга хизмат қилмоқда. Ўзбекистон медиа тузилмаларининг мамлакатимиз ва хорижда бўлиб ўтаётган нуфузли халқаро форумларда мунтазам иштирок этаётгани жаҳон ахборот маконида уларнинг муносиб ва фаол ўрни борлигидан далолатдир.

Соҳанинг давлат томонидан кенг қўллаб-қувватланаётгани натижасида 2013 йил 1 ноябрь ҳолатига қўра юртимизда оммавий ахборот воситалари сони 1377 тани ташкил этмоқда.

Давлатимиз раҳбарининг 2011 йил 30 декабрда қабул қилинган «Оммавий ахборот воситаларини янада ривожлантириш учун қўшимча солиқ имтиёзлари ва афзалликлар бериш тўғрисида»ги қарори босма ва электрон медиа тузилмалар, нашриёт, полиграфия корхоналари ва матбуот таркатувчи ташкилотлар фаолиятини бугунги тезкор давр талабига мунанд йўлга қўйиш учун зарур шароит яратиб, бу жараёнда оммавий ахборот воситалари мустақиллигини таъминлашда муҳим омил бўлмоқда. Ушбу қарор ахборот соҳасини ривожлантириш, давлат ҳокимияти ва бошқаруви органлари фаолияти устидан жамоатчилик назоратини ўрнатишда оммавий ахборот воситаларининг



ролини оширишда дастуриламал бўлиб хизмат қилмоқда.

— Президентимиз томонидан матбаа соҳасини ривожлантиришга қўрсатилаётган улкан эътибор ва ғамхўрлик жамоамиз фаолиятини ўзининг яққол ифодасини топмоқда, — дейди «Ўзбекистон» нашриёт-матбаа ижодий уйи директорининг биринчи ўринбосари Муҳаммадҷон Зайтаев. — Давлатимиз раҳбарининг 2011 йил 30 декабрда қабул қилинган тегишли қарори асосида корхонамиз учун ҳам қўшимча қулайлик ва имтиёзлар яратилди. Бу янги-янги ишлаб чиқариш қувватларини ишга тушириш, соҳани техник ва технология жиҳатдан модернизациялаш, пировардида босма маҳсулотларнинг сифати ва турини кўпайтириш, таннархнини нисбатан арзонлаштириш имконини бермоқда.

«Ўзбекистон матбуоти» ШМиллий кўргазмасида қатор босма даврий нашрлар ва нашриётлар, электрон оммавий ахборот воситалари ўз фаолиятига оид маълумотлар акс этган маҳсулотлар, ранг-баранг маҳсулотлари билан иштирок этмоқда. Миллий кўргазма доирасида нашрларнинг томонидан икки юздан зиёд янги номдаги китоб тақдимоти, адаб ва шоирлар, кўргазма иштирокчилари билан учрашувлар ўтказилиши кўзда тутилган.

Уч кун давом этадиган мазкур кўргазмада мамлакатимиздаги олтиндан зиёд, шунингдек, АҚШ, Буюк Британия, Жанубий Корея, Хитой, Япония, Германия, Россия

каби ўндан ортқ давлатлар компаниялари ўз маҳсулотлари билан катнашмоқда. Улардан бири Германиянинг полиграфия дастохлар ишлаб чиқаришга ихтисослашган «Heidelberg» компаниясидир. Компания 15 йилдан бун мамлакатимизнинг матбаа бозорига босмаҳоналар, нашриёт-матбаа ижодий уйлари билан самарали ҳамкорлик қилиб келмоқда.

— Ушбу кўргазма Ўзбекистоннинг полиграфия соҳасидаги улкан салоҳиятини, мавжуд имкониятлари, янгида-янги истиқболларини намойиш этишда, соҳага оид янгиликлар билан танишишда муҳим ўрин тутди, — дейди Германиянинг «Heidelberg» компаниясининг минтақавий офиси раҳбари Йозеф Мозер. — Матбаа корхоналарига қўшимча иқтисодий қулайликлар яратиш, янги маърифат масканларини барпо этишга оид саъй-ҳаракатлар юргинишда таълим соҳасидаги ислохотларни янада ривожлантириш, ёшларни юксак билим ва тафаккур соҳиб этиб камолга етказишдек эзгу мақсадларга хизмат қилмоқда.

«Ўзбекистон матбуоти» ШМиллий кўргазмаси доирасида Ўзбекистон матбуот ва ахборот агентлиги томонидан Ёзувчилар уюшмаси, Фанлар академияси, бошқа қатор ташкилотлар билан ҳамкорликда «Адабиётга эътибор» маънавиятга, келажакка эътибор» шори остида «Жамиятнинг маънавий-маърифий таракқиётида китобнинг ўрни» мавзусида илмий-

амалий семинар ўтказилади.

Кўргазма давомида «Йилнинг энг яхши китоби» V республика кўрик-танловининг натижалари ҳам эълон қилинади. Унда мамлакатимиз нашриётлари бешта йўналиш бўйича китоблари билан катнашади. Танлов ғолиблари «Ўзбекистон матбуоти» ШМиллий кўргазмаси якунида ташкилотчилар томонидан тақдирланади.

## БАРЧАМИЗНИНГ УМУМИЙ УЙИМИЗ

Урганч шаҳрида Ўзбекистон Республикаси Конституциясининг 21 йиллигига бағишланган «Обод турмуш шаклланишида миллий ва маънавий қадриятларнинг ўрни» мавзусида илмий-амалий семинар ўтказилди. Республика Байналмилал маданият маркази директори Н.Мухаммадиев ва бошқалар Президентимиз Ислоҳ Каримов раҳбарлигида ишлаб чиқилган Ўзбекистон Республикаси Конституциясида миллати, дини, тили ва ижтимоий келиб чиқишдан қатъи назар, барча фуқаролар тенг ҳуқуқ ва эркинликларга эга экани мустаҳкамлаб қўйилганини таъкидланди. Ўзбекистоннинг миллатлараро муносабатларни мустаҳкамлаш борасидаги катта тажрибаси жаҳон ҳамжамияти томонидан кенг эътироф этилмоқда ва қўлаб мамлакатлар учун намуна бўлиб хизмат қилмоқда. Мамлакатимизда турли миллат ва элатлар ўз миллий маданияти, тили, анъана ва урф-одатларини ривожлантириши учун барча шароитлар яратилган. Давлатимиз раҳбарининг ташаббуси билан 1992 йилда ташкил этилган Республика Байналмилал маданият маркази мамлакатимизда миллатлараро муносабатларни мустаҳкамлаш борасида кўрсатилаётган юксак эътибор ва ғамхўрликнинг ёркин намунасидир. — Мамлакатимизда барча миллат вакиллари тинч-тотув, аҳил-иноқ ва фаровон ҳаёт кечирмоқда, — дейди Хивадаги 20-Меҳрибонлик уйи директори, Ўзбекистон Қаҳрамони Вера Пак. — Уларнинг ўз иқтидорларини намоён этиши учун барча шароитлар яратилган. Мен Ўзбекистоннинг энг бахтли аёллариданман. Ҳаётимни ёш авлод тарбиясига бағишлаб, муносиб шогирдлар вояга етказётганимдан бахтиёрман. Тадбирда Асосий Қонунимизнинг мазмун-моҳияти ва аҳоли турмуш фаровонлигини оширишдаги аҳамияти хусусида батафсил сўз юритилди. Семинар доирасида ташкил этилган «Кўпмиллатли ва кўпконфессияли Ўзбекистон» кўргазмасида вилоятда истиқомат қилаётган турли миллат вакиллари билан миллий либослари, таомлари, тадбиркорлар томонидан ишлаб чиқарилаётган маҳсулотлар, тасвирий санъат асарлари намойиш этилди. Ватанини, тинчлик ва миллатлараро ҳамжиҳатлиқни мадҳ этувчи куй-кўшиқлар янгради.

А.ШОКИРОВ. ЎЗА мухбири.

## 8 ДЕКАБРЬ - ЎЗБЕКИСТОН РЕСПУБЛИКАСИ КОНСТИТУЦИЯСИ КУНИ



Елкин ШАМСИДДИНОВ (ЎЗА) олган сурат



Сайлов жараёнида қатнашадиган 103787 нафар сайловчи рўйхатга олинди.

## Очиқлик ва ошкораликнинг ҳуқуқий асоси



Давоми. Бошланиши 1-саҳифада

**Сайфулла ИКРОМОВ,**  
«XXI asr»

— Мазкур қонун лойиҳасини такомиллаштириш жараёнида аниқланган камчиликларга ўз электоратимиз манфаатидан келиб чиққан ҳолда ёндашишимиз керак, — дея таъкидлади Олий Мажлис Қонунчилик палатаси депутаты Робохон Абдурасулова. — Учрашув ва мулоқотлар давомида тадбиркорлик субъектлари ва фермер хўжаликларига ўзини ўзи бошқаришнинг таъсирчан механизмини яратиш, уларнинг давлат ва хўжалик бошқаруви органлари, тайёрлов, таъминот ва хизмат кўрсатиш ташкилотлари билан ўзаро муносабатларини намунавий асосда йўлга қўйиш юзасидан муҳим тақлиф-мулоҳазалар ўртада ташланаётганини эътиборга моликдир. Шу маънода қонун ижодкорлиги жараёнида ҳуқуқий эксперимент усулидан фойдаланиш жамиятнинг янада демократ-

лаштириш, фуқароларнинг сиёсий фаоллигини ошириш, улар ўртасида ҳуқуқий маданиятни янада юксалтиришга хизмат қилишни шак-шубҳасиз.

Ўзбекистон Республикаси Президентининг қонун ижодкорлиги соҳасида ҳуқуқий эксперимент ўтказишга оид фармойишнинг юзасидан Қашқадарёда ҳам салмоқли ишлар амалга оширилмоқда. Ингилишда алоҳида таъкидланганидек, бу миллий қонунчилигимизда янги, ноёб тажриба бўлиб, давлат ҳокимияти ҳамда бошқарув органлари фаолиятининг очиқлигини таъминлаш, жамият ҳаётини янада демократлаштириш, фуқароларнинг ижтимоий-сиёсий фаоллигини оширишда муҳим аҳамият касб этади.

— Мамлакатимизда чуқурлашиб бораётган ислохотлар ҳуқуқий соҳада ҳам янги ҳаёт шувларини таково этмоқда, — деди қаршилик тадбиркор Қундуз Каромова. — Очиғи, айрим электорат вакиллари давлат ҳокимияти ва бошқарув органларидан

ахборот олиш, шунингдек, «Жисмоний ва юридик шахсларнинг мурожаатлари тўғрисида»ги қонун лойиҳасида кўзда тутилган «электрон мурожаат» усулидан фойдаланиш борасида етарли тажриба ва кўнмага эга эмаслар. Ҳуқуқий эксперимент жараёнида партия электорати, тадбиркор ва фермерларнинг фаол иштироки таъминланиб, уларнинг амалий тақлифлари инобатга олинганлиги шу маънода ҳам жуда муҳимдир. Зеро, қонунчилигимиздаги мазкур янгилик фуқаролар, жумладан, кичик бизнес ва хусусий тадбиркорлик субъектлари, фермерларнинг ахборот олиш борасидаги конституциявий ҳуқуқларини кенгайтириш, давлат ҳокимияти ва бошқарув органларининг масъулиятини оширишда мустаҳкам ҳуқуқий замин бўлиб хизмат қилади, албатта.

Касби туманидаги «The West Star» фермер хўжалиги раҳбари Валерий Солневнинг фикрича, юқоридаги қонун лойиҳаси

▼  
**Бу миллий қонунчилигимизда янги, ноёб тажриба бўлиб, давлат ҳокимияти ҳамда бошқарув органлари фаолиятининг очиқлигини таъминлаш, жамият ҳаётини янада демократлаштириш, фуқароларнинг ижтимоий-сиёсий фаоллигини оширишда муҳим аҳамият касб этади.**

қон тартибда турган долзарб ҳаётини масалаларни маҳаллий кенгашлардан тортиб, Олий Мажлис палаталари муҳокамасигача олиб чиқиш имкониятини яратиш билан ҳам эътиборни тортади. Бинобарин, ҳуқуқий эксперимент сўз ва ахборот эркинлиги, давлат ҳокимияти ҳамда бошқарув органлари фаолиятининг очиқ-ошкоралигини таъминлаш, янги ҳуқуқий ҳужжатларни кенг жамоатчилик сивовидан ўтказишда ҳал қилувчи воситага айланб бораётганини алоҳида таъкидлаш ўринлидир.

Қизгин савол-жавоб, баҳс-мунозаралар асосида ўтган амалий мулоқот давомида билдирилган тақлиф-мулоҳазалар юзасидан О'зЛиДеРнинг тегишли тавсиялари қабул қилинди.

Ўзбекистон иқтисодиётининг негизини хилма-хил шакллардаги мулк ташкил этади.

## ЎЗБЕКИСТОН РЕСПУБЛИКАСИ КОНСТИТУЦИЯСИНING 21 ЙИППИГИГА



## Конституция ва ёшлар

Давоми. Бошланиши 1-саҳифада

**Шухрат РАХИМОВ,**  
«XXI asr»

Давра суҳбатда Олий Мажлис Қонунчилик палатаси депутати, О'зЛиДеР фракцияси аъзоси Фахриддин Комилов сўзга чиқиб, Конституция ижтимоий-сиёсий, иқтисодий ва гуманитар соҳаларни демократлаштириш, жамият ва давлатни модернизация қилиш борасидаги тарихий ўзгаришлар, хусусан, парламент тизими ва қўшартиривийлик асосларини мустаҳкамлаш ҳамда фуқароларнинг ҳуқуқ ва эркинликлари таъминланишида мустаҳкам пойдевор вазифасини ўтаётганига эътибор қаратди.

Конституцияда «бозор муносабатларини ривожлантиришга қаратилган Ўзбекистон иқтисодиётининг негизини хилма-хил шакллардаги мулк ташкил этади. Давлат истеъмоличиларнинг ҳуқуқи устуңлигини ҳисобга олиб, иқтисодий фаолият, тадбиркорлик ва меҳнат қилиш эркинлигини, барча мулк шаклларининг тенглигини ва ҳуқуқий жиҳатдан баб-баравар муҳофаза этилишини кафолатлайди», дея белгилаб қўйилгани ҳам бежиз эмас.

«Ёшлар қаноти» фаолиятининг қўлга киритган 20 нафар битриувчининг 10 нафари жами 337 миллион сўм миқдоридagi сармоя билан ўз бизнесини йўлга қўйди. Яна уч нафар иштирокчи ўз маблагини ҳисобга тадбиркорлик фаолиятини бошлади. Буларнинг барчаси, энг аввало, Конституцияимизда ёшларнинг ҳуқуқ ва эркинлари таъминланишига қатъий эътибор қаратилгани самарасидир, албатта.

Тадбир давомида Асосий қонунимизда муҳланган демократик тамойиллар ва умуминсоний кадрларнинг ҳаётимизга чуқурроқ кириб бориши учун таълим муассасалари ва фуқаролик жамияти институтларининг ўзаро ижтимоий ҳамкорлигини янада кучайтириш, ёшлар орасида конституциявий ёшларни кенг тарғиб қилиш юзасидан бир қатор амалий тақлифлар ҳам билдирилди.

### БИР ҲОВУЧ ДУР

**Бойлик билан, балки, юз йил яшарсан, Илму ҳикмат билан мингдан ошарсан.**

●●●  
**Омонат — бировнинг жонидек гапдир, Хиёнат қилмасанг, сенга шарафдир.**

## Хоразмда энг муносиблар сайланмоқда

Вилоятда Ўзбекистон Республикаси Олий Мажлиси Сенатининг «Фуқаролар йиғинлари раислари (оқсоқоллари) ва уларнинг маслаҳатчилари сайловига тайёргарлик кўриш ҳамда уни ўтказиш тўғрисида»ги қарори изчил амалга оширилмоқда

**Янгибой КўЧҚОРОВ,**  
«XXI asr»

Халқ депутатлари вилоят кенгашининг Фуқаролар йиғинлари раислари ва уларнинг маслаҳатчилари сайловини ташкил этиш ҳамда ўтказишга қўмақлашувчи комиссия раиси Фозил Жуманиёзов. — У тўғрисида қонуни талабларига бийоан очиқлик, ошкоралик шароитида ўтмоқда. Фуқаролар йиғинлари раислари раислари ҳамда уларнинг маслаҳатчиларига эл олдига хурмат-эътиборга эга, бугунги кун нафасини терахис қиладиган, билимли, ва албатта, етакчилик ҳусусиятларига эга шахслар сайланмоқда.

— Сайлов вилоятимизнинг 10 та шаҳарча, 98 та кишлоқ, 487 маҳалла, жами 595 та ўзини ўзи бошқариш органла-

рида ўтказилгани, — дейди халқ депутатлари вилоят кенгашининг Фуқаролар йиғинлари раислари ва уларнинг маслаҳатчилари сайловини ташкил этиш ҳамда ўтказишга қўмақлашувчи комиссия раиси Фозил Жуманиёзов. — У тўғрисида қонуни талабларига бийоан очиқлик, ошкоралик шароитида ўтмоқда. Фуқаролар йиғинлари раислари раислари ҳамда уларнинг маслаҳатчиларига эл олдига хурмат-эътиборга эга, бугунги кун нафасини терахис қиладиган, билимли, ва албатта, етакчилик ҳусусиятларига эга шахслар сайланмоқда.

Хонқа туманида бўлганимизда сайлов жараёни билан бирга ҳудудда амалга оширилаётган кенг қўламли ислохотлар натижаларига ҳам гувоҳ бўлдик. Барча кишлоқ ва маҳаллалар аҳолиси олтин кузнинг жорий вазифаларини уюшқоқлик билан ўздаламоқдалар. Кўчалар, гузарлар, боғ ва хиёболарда, меҳнат жамоаларида ободонлаштириш ишлари авж палласида. Айниқса, намунавий лойиҳалар

асосида бунёд этилган янги мазеелар узукка кўз қўйгандек ярашиб турибди.

— Фуқаролар йиғинлари раислари ва уларнинг маслаҳатчилари сайловини ҳудудимиздаги 1 та шаҳарча, 10 та кишлоқ, 42 маҳаллада ўтказилиб, жами 53 нафар раис ва уларнинг маслаҳатчилари сайловини кўзда тутилган, — дейди сайловга қўмақлашувчи Хонқа тумани комиссияси раиси О.Ёқубова. — Сайлов жараёнида қатнашадиган 103787 нафар сайловчи рўйхатга олинган бўлиб, фуқароларнинг сайловда конституциявий ҳуқуқини тўлалиқ амалга ошириш учун ҳамма шарт-шароитлар яратиб берилган. Дастлабки натижалар фуқаролар йиғинлари раислари ва уларнинг маслаҳатчилари сайловда жиддий синовлардан ўтган, тажрибали, хар жиҳатдан муносиб кишиларга овоз берилаётганини кўрсатмоқда.

Хива туманининг Янгиобод шаҳарчасидаги «Гулiston» маҳалла фуқаролар йиғинида 7511 нафар аҳоли яшади. Бу маҳалла «Намунали фуқаро-

ларнинг ўзини ўзи бошқариш органи» ташкили бўлиби эканини алоҳида таъкидлаш жоиз. Маҳаллада кичик бизнес ва хусусий тадбиркорлик, касба-чилик, хунармандчилик кенг миқёсда ривожланмоқда. Биргина илор ишбилармон Одибек Оллоёровнинг ўзи маҳаллада аҳоли эҳтиёжи учун керак бўлган ўнча ортик маҳсулот турини ишлаб чиқармоқда. Маҳаллада қандолат пехи, тегирином, шили оқлаш шохобчаси, ўттиздан ортик замонавий сервис нукталари бор. Қурилиш ва сервис коллежиди ёшлар замонавий касб сирларини ўрганимоқдалар. Умумтаълим муассасалари, мактабгача тарбия масканлари, санъат ва спорт даргоҳлари иши ҳам замон талаблари даражасида ташкил этилган. Ахборот-ресурс марказида компьютер технологиясидан унумли фойдаланилаётган.

— 1993 йилдан буён мазкур маҳалла фуқаролар йиғини раис лавозимиди ишлаб келяпман, — дейди ана шу фахрли вазифага қайта сайланган тажрибали ташкилот-

чи, «Фидокорона хизматлари учун» ордени соҳибини С.Отанов. — Йилгирма бир йилдан буён шу маҳалланинг обрўсига обрў, нуфузига нуфуз қўлишга ҳаракат қилиман. Вилоятимизда, шу жумладан, Урганч ва Хива шаҳарларида бажарилаётган бекиёс ишларга қараб, қўнғил қўтарилади. Илгари бундай ўзгаришлар ҳақида орзу қилиниши ўзи ҳам хомхаёл эди. Мухтарам Президентимиз хар гап маҳалла — мамлакатнинг таянчи, маҳалла — менинг таянчим, маҳалла тиш бўлса — мамлакат тиш, маҳалла обод бўлса — мамлакат обод, деб таъкидлайдилар. Собик тузум шароитида биз мамлакат менга нима берад экан, деган ақлда билан яшар эдик. Энди эса мен мамлакатга нима бердим, унинг фаровонлигига қандай улш қўшдим, деган қараш билан яшаймиш. Шунча йиллик тажрибамдан бир муҳим ҳулосага келдим: ҳамжиҳатлик бўлган жойда барака, осойишталик, тўқнлик, бахту саодат барқ уради. Ҳозирги сайлов бу ҳулосани тўғрисида таъкидламоқда.



**Мустахкам фуқаролик**  
позициясиغا эга бўлган, зиммасидаги масъулиятни чуқур англаган кишиларга ишонч билдирилади.



**Ташаббускор**  
сафдошларни сайлаш бугунги долзарб вазифалардан биридир.



**480 БПТ**  
етакчисининг илгор тажрибалари атрофлича таҳлил этилди.

КУЧЛИ ҚУЙИ БЎҒИНДАН — КУЧЛИ ПАРТИЯГА

# БОШЛАНҒИЧ ПАРТИЯ ташкилотларида

47 (523)-СОН, 2013 ЙИЛ 21 НОЯБРЬ, ПАЙШАНБА

## Депутат ва БПТ ҳамкорлиги

партиявий фаолиятни жонлантириш, сайловчи ва электорат вакиллари ишончини оқлашда энг муҳим омил бўлмоқда



Сайфулла ИКРОМОВ,  
«XXI asr»

Халқ депутатлари Гузор туман кенгашидаги O'zLiDeP депутатлик гуруҳи аъзоси «Шўртангазим» мажмуаси директори ўринбосари Фахриддин Қувватовнинг таъкидлашича, жойларда партия илгари сураётган ғоя ва дастурий мақсадларни аҳоли ўртасида кенг тарғиб қилаётган фаоллар ислохотларни жадаллаштириш, O'zLiDeP электорати саналган кичик бизнес ва хусусий тадбиркорлик тузилмалари фаолиятини ривожлантиришда кўпроқ депутатлар қўмағига таянмоқдалар. Бу эса сайловчи ишончини козонган халқ ноиблари зиммасига жуда катта масъулият юклайди.

Халқ депутатлари Қашқадарёда Ф.Қувватовга ўхшаган ташаббускор депутатлар кўпчилигини ташкил этади. Гузорлик партия аъзоларининг маълум қилишларича, депутат ташаббуси билан ўтган даврда худудни ижтимоий-иқтисодий ривожлантириш дастури ижроси юзасидан тегишли идораларга 11 та депутатлик сўрови юборилган. Сайловчилардан тушган 15 та ариза ҳам ижобий ҳал этилган.

— Ариқошган, Янги қурилиш, Тошгузар қишлоқларида 3 мингга яқин аҳоли истиқомат қилади, — дейди Тошгузар фуқаролик йигини раиси Жума Турсунов. — Ўтган давр мобайнида депутат ўн мартаба сайловчилар билан учрашди. Очқич муло-

қотлар давомида сайловчи ҳамда электорат вакиллари-ни ўйлантираётган айрим муаммолар маҳаллий ҳокимлик, тегишли идоралар вакиллари билан ҳамкорликда ижобий ҳал этилди.

Маълумки, Гузорда чорвачилик билан шуғулланиб, яхшигина даромад олиш учун

мустахкам фуқаролик позициясиغا эга бўлган, зиммасидаги масъулиятни чуқур англаган кишиларга кўпроқ ишонч билдиради. Айни пайтда депутатлар фаолиятида қандай натижаларга эришилмасин, бу яратиб берилган шароитлар ва воқалатлар билан боғлиқ. Айниқса,

мажмуасидаги қуйи бўғин фаолиятини изчил кучайтириб борамиз.

Мажмуада иш олиб бораётган бошланғич ташкилот раиси Шухрат Уватов ҳам қуйи бўғин аъзолари зиммасидаги жавобгарлик алоҳида эканини кайд этди.

— 1415 нафар партия

### O'ZLIDEP уставидан

**O'ZLIDEP ҚОНУН ДОИРАСИДА ПАРТИЯ МАҚСАД ВА ВАЗИФАЛАРИ МОҲИЯТИНИ АҲОЛИ ЭЪТИБОРИГА САМАРАЛИ ТАРЗДА ЕТКАЗИШ, ЖОЙЛАРДАГИ ИЖТИМОЙ-ИҚТИСОДИЙ МУАММОЛАРНИ МУНТАЗАМ ЎРГАНИБ БОРИШ, УЛАРНИ ПАРТИЯВИЙ ВОСИТАЛАР БИЛАН ҲАЛ ЭТИШ, ШУ ЖУМЛАДАН, МИНТАҚАЛАРНИ ИЖТИМОЙ-ИҚТИСОДИЙ РИВОЖЛАНТИРИШДА ФОЙДАЛАНИЛМАЁТГАН ЗАХИРА ВА ИЧКИ ИМКОНИАТЛАРНИ ИЗЛАБ ТОПИШ ВА АҲОЛИ ТУРМУШ ФАРОВОНЛИгини ОШИРИШГА ҚАРАТИЛГАН ДАСТУРЛАРНИ АМАЛГА ОШИРИШ ЧОРАЛАРИНИ КЎРАДИ.**

жуда қулай шароитлар мавжуд. Шунинг учун ҳам Фахриддин Қувватов сингари фаол депутатлар деҳқон хўжаликларига чорва моллари сотиб олиш, лалми майдонларда турли экинлар етиштириш учун банклардан кредит олишда аҳолига амалий ёрдам бераётганлар. Қасбхона қўроқдорларни битирган ёшлар эса тумандаги йиғини раиси Жума Турсунов. — Ушбу ташаббус билан бир қаторда уларнинг давлат бошқарувида фаол иштирок этишлари учун кенг имкониятлар яратди.

Сийсий партия аъзоси қаерда ва қандай вазифада ишлагани, энг аввало, бошланғич партия ташкилотига таянади. Ушбу тузилмага суяниб иш олиб боради. Ана шундан келиб чиққан ҳолда «Шўртангазим»

«Давлат бошқарувини янгилаш ва янада демократлаштириш ҳамда мамлакатни модернизация қилишда сийсий партияларнинг ролини кучайтириш тўғрисида»ги Ўзбекистон Республикасининг Конституциявий Қонунида белгилаб берилган вазифалар депутатлар фаолиятида бутунлай янги босқични бошлаб бериши керак. Мазкур қонуннинг қабул қилиниши депутатларнинг назорат қилиш самарадорлигини ошириш билан бир қаторда уларнинг давлат бошқарувида фаол иштирок этишлари учун кенг имкониятлар яратди.

Сийсий партия аъзоси қаерда ва қандай вазифада ишлагани, энг аввало, бошланғич партия ташкилотига таянади. Ушбу тузилмага суяниб иш олиб боради. Ана шундан келиб чиққан ҳолда «Шўртангазим»

аъзоси бўлган мажмуамизнинг ҳар бир сегментида ўтказилган турли тадбирлар, очқич мулоқот ва учрашувларда асосий эътибор юртимиз раъқати, элимиз фаровонлиги йўлидаги ишларни сарҳисоб қилиш. «Обод турмуш йили» Давлат дастури доирасидаги тадбирлар қандай натижалар бераётганини таҳлил этиш ва бу жараёнда фаол қатнашиш масалаларига қаратилмоқда, — дейди Ш.Уватов. — Гузор туманидаги қасб-хона коллежлари ва маҳаллаларда ўтказилган тадбирларда кўпроқ баъдилик масалалари таҳлил этилаётган бўлса, қишлоқларда лалмикор майдонларда узум, полиз экинлари ва беда етиштириш, парандачилик билан шуғулланаётган оилавий тадбиркорларга кредитлар ажратилиши билан боғлиқ ишларни кўриб чиқаямиз.

## МАРКАЗ АСОСИЙ ЭЪТИБОРНИ ҚУЙИ БЎҒИНГА ҚАРАТМОҚДА

2013 йилнинг ўтган 9 ойида O'zLiDeP Тошкент вилояти кенгаши ҳузурдаги Сийсий таълим маркази беш юз нафардан зиёд партия аъзолари, БПТ етакчилари, маҳаллий кенгаш депутатлари учун долзарб мавзуларда турли ўқувлар ташкил этди.

Марказ раҳбари Дилноза Дарвешованинг маълум қилишича, ўқув-семинар ҳамда давра суҳбатлари шаклида ташкил этилган ўқувларда асосий эътибор «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси»да белгилаб берилган вазифалар, амалдаги қонунларнинг мазмун-моҳиятига қаратилган. Шунингдек, ўқувлар жараёнида намунавий қуйи бўғин раислари, яъни 480 БПТ етакчисининг ҳуқуқий саводхонлигини ошириш, иш юритиш усул ҳамда қўниқмаларини шакллантириш, сессиялар кун тартибига масала киритиш йўл-йўриқлари борасидаги илгор тажрибалар таҳлил этилди.



Зиёдулла МҮМИНОВ.

## ИНТИЛИШ ВА ИЗЛАНИШЛАР САМАРАСИ



Нурота туманидаги «Ал Фулом Нурота» хусусий корхонасида партия бошланғич ташкилоти иш бошлади.

Шу муносабат билан ташкил этилган тадбирда халқ депутатлари вилоят кенгаши депутати Аслон Исмолов сўзга чиқиб, истиқлол туфайли тадбиркорлик борасида қўлга киритилган натижалар Нуротанинг ижтимоий-иқтисодий ҳаётида ҳам муҳим аҳамият касб этаётганини таъкидлади.

— Кенг қўламли ислохотлар жараёнида либерал-демократик ғояларни илгари сураётган O'zLiDePнинг туманида ҳам нуфузи ортиб бормоқда, — деди депутат. — Бу, энг аввало, амалий ишлар, хусусий мулк дахисизлиги, мулкдорлар сиёсий вакиллари ҳуқуқ ва эркинликларини таъминлашга қаратилган саъй-ҳаракатлар натижасидандир. Тадбирда O'zLiDeP Нурота туман кенгаши раисининг ўринбосари Бегзод Сиддиқов ҳам сўзга чиқиб, жорий йилда қуйи бўғинлар тўрттага, партия аъзолари сони эса 31 нафарга кўпайгани, айна пайтда қуйи бўғинлар ишини янада яхшилаш, БПТ етакчилигига ташаббускор сафдошларни сайлаш долзарб вазифалардан эканини таъкидлади.

Шу ўринда йиғилишда мрамар кесиш, унга сайқал бериш ва бошқа қурилишбоп маҳсулотлар ишлаб чиқаришга ихтисослашган корхонада асосан ёшлар ишлаётганини инобатга олиб, қуйи бўғиннинг ёшлар ўртасида тарғибот-ташвиқот ишларини самарали ташкил этишга ишонч билдирилганини қайд этиш лозим.

Мансур АСЛОНОВ.

### ДИҚҚАТ, ТАНЛОВ!

## «ЖАМИЯТ ВА МЕН-2013»

Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ҳамда ривожлантириш жамоат фонди Олий Мажлис ҳузурдаги Нодавлат ноижорат ташкилотлар, фуқаролик жамиятининг бошқа институтларини қўллаб-қувватлаш жамоат фонди, Журналистлар ижодий уюшмаси билан ҳамкорликда республикадаги босма ва интернет нашрлар, ахборот агентликлари журналистлари ҳамда фотожурналистлари учун «Жамият ва мен-2013» танлови ўтказилишини эълон қилади.

Танловга жамият учун муҳим аҳамиятга эга бўлган ижтимоий-сийсий, ижтимоий-иқтисодий, маърифий-маданий, ҳуқуқий соҳалардаги ислохотларнинг бориши, бу борадаги илгор ташаббусларни бирлаштириш, фуқаролик жамияти институтлари фаолияти, тадбиркорликни ривожлантиришга йўналтирилган дастурларнинг амалдаги ижросига оид ижодий ишлар қабул қилинади.

#### ТАНЛОВ ЙЎНАЛИШЛАРИ

- Танлов қуйидаги 10 та номинация бўйича ўтказилади:
  - «Юртимиздаги жамият пойдевори» мавзусидаги энг яхши материал;
  - «Таълим тизими ислохотлари журналист нигоҳида»;
  - «Соғлом ёшлар — келажак пойдевори» мавзусидаги энг яхши материал;
  - «Фермерлик: имконият ва истиқболлар» мавзусидаги энг яхши материал;
  - «ННТ ва фуқаролик жамиятининг бошқа институтлари фаолияти» тўғрисидаги энг яхши материал;
  - «Соғлом она — соғлом бола» мавзусидаги энг яхши материал;
  - «Энг яхши журналист текшируви»;
  - «Интернетдаги энг яхши мақола»;
  - «Энг яхши фоторепортаж»;
  - «Ил дебюти (талаба-журналистлар учун)».

#### ТАНЛОВ ШАРТЛАРИ

Танлов этилган ижодий ишлар босма ва интернет нашрларда 2013 йилнинг 1 январидан 1 декабрга қадар чоп этилган бўлиши шарт.

Ижодий ишларга муаллиф тўғрисидаги маълумотлар (фамилияси, исми, профессионал фаолияти тўғрисида қисқача маълумот, паспорт нусخаси) илова қилинади.

Танловга материаллар 2013 йил 10 декабрга қадар қабул қилинади. Танлов ғолиблари 2013 йил якунида ташкилотчилар томонидан ўтказилган нуфузли тадбирда эълон қилиниб, муносиб тақдирланади.

#### ТАНЛОВНИ ЎТКАЗИШ ТАРТИБИ

Танловга тақдим этилган ижодий ишлар етакчи журналистлар, жамоат ташкилотлари, жамағатлар, манфаатдор идора ва муассасалар вакиллари билан иборат нуфузли ҳайат томонидан кўриб чиқилади ва баҳоланади.

Ғолибларни аниқлашда мавзунинг долзарблиги, иш мазмунининг ижтимоий аҳамияти, материални ёритишдаги аниқлик ва ўзига хослик, профессионал маҳорат асосий мезон ҳисобланади.

Танловга топширилган ижодий ишлар тақриз қилинмайди ва қайтарилмайди.

#### ТАНЛОВ ҒОЛИБЛАРИГА МУКОФОТЛАР

Ҳар бир номинация бўйича танлов ғолиблари ташкилотчилар томонидан таъсис этилган диплом, компьютер жамланмиси, планшет, қўл телефони ва шу каби қимматбаҳо совғалар билан тақдирланади.

Материаллар ва улар билан боғлиқ ҳисобот кўринишидаги маълумотлар «ЖАМИЯТ ВА МЕН-2013» танловига» деган қайд билан Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ҳамда ривожлантириш жамоат фондига жўнатилади.

Манзил: Тошкент шаҳри — 100129, Навоий кўчаси, 30-уй, 3-қават, 1-хона. Тел./факс: 244-14-28, 244-12-51, www.mmf.uz, e-mail: info@mmf.uz, fonduz@umail.uz. Ташкилий қўмита.



**XXI ASR**  
ижтимоий-сийсий газетасига  
**ОБУНА** бўлинг!

Мурожаат учун телефон: (8-371) 215-63-80





## «Ультраволлар»

хизматидан фойдаланмоқчи бўлганлар уни уяли телефон орқали қақришлари ҳам мумкин.



Пойтахтимизнинг Яққасарой туманидаги «Бошлиқ» маҳалласида истиқомат қилаётган Зоировлар оиласидаги тинчлик ва тотувликка, ҳалол меҳнат туфайли эришилаётган ютуқларга кўпчилигининг ҳаваси келади. Тошкент автомобиль йўллари институтини 1985 йили муваффақиятли тугатган Фахриддин Зоиров Самарқанддаги «22-автосарой» акциядорлик жамияти механиги, бўлим бошлиғи, раҳбар ўринбосари лавозимларида меҳнат қилди. Кейин узоқ вақт Ўзбекистон Савдо-саноат палатаси Самарқанд вилоят ҳудудий бошқармаси бошлиғи вазифасида ишлади. 2010 йилдан буён Ўзбекистон Республикаси Олий Мажлиси Қонунчилик палатаси депутаты, Саноат, қурилиш ва савдо масалалари кўмитасининг аъзоси сифатида фаолият юритяпти. Турмуш ўртоғи Назира опа Тошкент Давлат университетининг Математика факультетини битирган, педагогика соҳасида ишлайди. Фахриддин ака ва Назира опалар уч қиз, бир ўғилни тарбиялаб вояга етказишди. Қизлар тиббиёт, банк соҳаларида хизмат қилишади. Ўғли Отабек «Ўзсаноатқурилиш» банкида бош мутахассис. Уч нафар шириндан-шакар неваралари бор.

Реклама

**от дилера «SARDOR AVTO INVEST»**

**ВИС-2347, LADA SAMARA, борт.**

**ВИС-2347, LADA SAMARA, фургон.**

**ВИС-23460, LADA NIVA, 4x4.**

**ВИС-23461, LADA NIVA, 4x4.**

**ЦЕНТРЫ ПРОДАЖ В ТАШКЕНТЕ:**  
 Тел./факс: (371) 215-09-11, 215-18-17.  
 Тел.: (+99891) 162-99-99, (+99898) 303-90-09.  
 (+99895) 177-01-17.

**Узнай больше на сайте [www.sardor-avto.uz](http://www.sardor-avto.uz)**

Мана, республикамызга совуқ ҳаво оқими ҳам кириб келди. Бу албатта, қишнинг яқинлашиб келаётганидан дарак. Гидрометеорология марказининг хабар беришича, 21-28 ноябрь кунлари Ўзбекистонда об-ҳаво ўзгарувчан бўлиб,



ёнингарилик кутилмайди. Баъзи жойларга туман тушади. Шамоил шарқдан 7-12 м/с тезликда эсади. Қорақалпоғистон Республикаси ва Хоразм вилоятида ҳарорат кечаси 0-5 даража совуқдан 3 даража илққача, кундузи 10-15 даража илққача бўлади. Навоий, Бухоро, Самарқанд, Жиззах ва Сирдарё вилоятларида ҳарорат кечаси 2-7 даража совуқдан 3 даража илққача, ҳордик кунларида 10-15 даража илққача кўтарилади. Қашқадарё ва Сурхондарё вилоятларида ҳарорат кечаси 0-5 даража совуқ, кундузи 8-13 даража илққача атрофида бўлиши кутилаяпти. Республикамызнинг шарқи — Андижон, Фарғона ва Наманган вилоятларида термометр миллилари кечаси 2-7 даража совуқчи, кундузи эса 9-14 даражагача илққача кўрсатади. Тошкент вилояти ва пойтахтимизда ҳарорат кечаси 2-7 даража совуқдан 3 даража илққача кўтарилади, кундузи 10-15 даража илққача бўлади. Тоғли жойларда 22 ноябрда 7-12 даража совуқ, кундузи 3 даража совуқ ва 2 даража илққача атрофида, 23-25 ноябрь кунлари эса кечаси 3-8 даража совуқ, кундузи 3-8 даража илққача бўлади.

Реклама

## ТЎРТ КИШИЛИК МЕТРО

Буюк Британияда шахар таксиси ва автобуслари ўрнини эгаллайдиган, ташиқ кўришни метро вагонларини эслатувчи «ULTra PRT» номли янги транспорт тури синовдан ўтказила бошланди. Эътиборлиси, тўрт нафар йўловчига мўлжалланган ушбу вагончалар компьютерлаштирилган тизим орқали, яъни ҳайдовчисиз бошқарилади. Маълумотларга кўра, 2015 йилга қадар Лондон яқинидаги Милтон Кейс шахарчасида синовдан ўтказилади, 2017 йилда эса пойтахт жамоат транспорти қаторидан ўрин олиши кутилаётган «ULTra PRT» соатига 40 километр тезликда ҳаракатлана олади. Эътиборлиси, электр мотор ёрдамида ҳаракатланадиган «ультраволлар» хизматидан фойдаланмоқчи бўлганлар уни уяли телефон орқали қақришлари ҳам мумкин. Йўл ҳақи ҳам у даражада қиммат эмас — бор-йўғи 2 фунт. Шу ўринда «ULTra PRT» туркумига кирувчи транспорт воситаси икки йилдириқ, Лондоннинг Хитроу аэропорти мижозлари узогини яқин қилаётганини айтиб ўтиш жоиз.



**ЎЗБЕКИСТОНДА МИНЕРАЛ ЎҒИТЛАР ИШЛАБ ЧИҚАРИШ БЎЙИЧА ЭНГ ЙИРИК КОРХОНА «NAVOIYAZOT» ОАЖ ҚУЙДАГИ МАҲСУЛОТЛАРНИ ТАКЛИФ ЭТАДИ:**

- МИНЕРАЛ ЎҒИТЛАР:**
- азот-фосфорли ўғит
  - аммоний хлориди
  - аммоний сульфати
  - калийли ўғит
  - техникавий сувли аммиак

**РЕСПУБЛИКАМИЗДАГИ БАРЧА ФЕРМЕРЛАРНИ ҲАМКОРЛИККА ТАКЛИФ ЭТАМИЗ!**

Манзил: Ўзбекистон Республикаси, 210105, Навоий-5  
 Сайт: [www.navoiyazot.uz](http://www.navoiyazot.uz), e-mail: [office@navoiyazot.uz](mailto:office@navoiyazot.uz)  
 Факс: (+99879) 223-75-80  
 Маркетинг бўлими: (+99879) 229-29-99; e-mail: [market@navoiyazot.uz](mailto:market@navoiyazot.uz)  
 Сотув бўлими: (+99879) 229-25-34; e-mail: [sale@navoiyazot.uz](mailto:sale@navoiyazot.uz)



TADBIRKORLAR VA ISHBIKLARMONLAR HARAKATI — O'ZBEKISTON LIBERAL-DEMOKRATIK PARTIYASI NASHRI

**ТАҲРИРИЯТ:** Темур АБДУРАҲМОНОВ, Сайфулла ИКРОМОВ, Шаҳзод НАЗАРОВ, Озод РАҲАБОВ, Муҳаббат РАВШАНОВА, Носир ТОШЕВ, Шухрат ХУҲАЕВ, Маркс ЮСУПОВ, Ориф УЛМАСОВ, Янгибой ҚУҶОРОВ.  
**БЎЛИМЛАР:** Қотибия — 281-40-17 (тел./факс), Партия турмуши ва парламент фаолияти бўлими — 255-64-80, Ахборот ва таҳлил, хатлар ва шикоятлар бўлими — 255-64-80, Кино бизнес ва хусусий тадбиркорлик фаолияти бўлими — 215-60-45, Ёшлар ва аёллар масалалари бўлими — 254-03-79, Реклама ва шартномалар бўлими — 215-60-45, 255-68-50, Қабулхона: 215-63-80 (тел./факс).  
**ТАҲРИРИЯТ МАНЗИЛИ:** Тошкент, Нукус кўчаси, 73А-уй. **ЭЛЕКТРОН ПОЧТА:** [axborotXXIasr@yahoo.com](mailto:axborotXXIasr@yahoo.com), [XXI\\_ASR@mail.ru](mailto:XXI_ASR@mail.ru)  
 © «XXI ASR» дан олинган маълумотларда манба сифатида газета номи кўрсатилиши шарт. Муаллифлар фикри таҳририят нуқти назариддан фарқ қилиши мумкин.  
 \*Ўзбекистон\* НМИУ босмаҳонасида чоп этилди. Корхона манзили: Тошкент шаҳри, Навоий кўчаси, 30-уй.  
**БОШ МУХАББИР:** Миралон АБДУРАҲМОНОВ.

## «Австралия-2015» йўлланмаси нақд

Осиё кубогининг саралаш баҳслари доирасида ўтказилган сафар ўйинларида Вьетнам (3:0) ва Гонконг (2:0) терма жамоаларини мағлубиятга учратган футболчиларимиз икки йилдан сўнг Австралия мезбонлик қиладиган мусобақа йўлланмасини қўлга киритдилар

Шухрат ХУҲАЕВ,  
«XXI asr»



Дастлаб, яъни 15 ноябрь кунини Ханоидаги «Май Дин» стадионида вьетнамликлар билан беллашган терма жамоамиз асосан таркибига жалб қилинган ёш футболчилар шанти-катъияти эвазига рақибни йирик ҳисобда енгнилар. Сўзимиз исботи сифатида ўйинда киритилган голларга шу кунини терма жамоадаги дебютини нишонлаган «Бухоро» клуби ҳужумчиси Воҳид Шодиев, шунингдек, «Пахтакор» ва «Бунёдкор» жамоаларининг умидли ёшлари — Игорь Сергеев ва Анвар Рашидов муаллифлик қилганини айтиш мумкин.

Вьетнамдаги баҳсдан сўнг Миржалол Қосимов мураббийлигидаги Ўзбекистон терма жамоаси Гонконгга йўл олди. Ушбу ўйинда ҳам футболчиларимиз тўлиқ устунликка эришган бўлсалар-да, ҳисоб учрашувининг сўнгги дақиқаларида очилди. Эътиборлиси, бу гол ҳам биринчи гол Воҳид Шодиев голдан киритилди: 84-дақиқада жарима майдонига ёриб кирган Ислом Тўхтажўраев тўпни Шодиевга қолдирди. Воҳид эса 11 метрлик нуқта яқинидан қучли зарба бериб, жамоамизни ҳисобда олдинга олиб чиқди. Беш дақиқа ўтар-ўтмас Гонконглик посбон ўз дарвозасидан яна битта тўп олиб чиқинга мажбур бўлди. Чап қаподан жарима майдонига кириб борган Шавкат Саломов тўпни Одил Аҳмедовга узатди. Химоячилар эътиборидан четда қолган «Анжн» химоячиси бу сафар нишон олишда адашмади. Шу тарихка, терма жамоамиз нафақат Жануби-шарқий Осиё бўйлаб уюштирилган турнирни омадли яқунлаган ҳолда мундтаганин аввал «Австралия-2015» мусобақасида интироқ этини ҳуқуқини қўлга киритишга, балки етти йилдан буён давом этаётган ноҳусанга чек қўйишининг улдасидан чиқди. Эслагиб ўтамиз, 2006 йилдан буён Гонконг билан тўрт марта беллашган футболчи-

римиз ана шу учрашувларининг барчасида дуранг кайд этаётган эдилар. Гонконгликлар рақиб ҳужумини бузишни хуш кўради ва бунинг улдасидан чиқади. Шу сабаб, бугунги ўйинда улар дарвозасига гол урини осон бўлмади, деди Гонконгдаги ўйиндан сўнг М.Қосимов. Нима бўлганда ҳам, мақсадимизга эришганимиздан мамнунман. Интиглар ўйиндан ҳам қониқиб хосил қилдим. Осиё

Кубоги финал баҳсларининг бошланшига ҳали анча вақт бор. Ушбу турнирга яхши тайёрлик кўриб, ўз олдимизга максимал вазифаларни қўйишни режалаштиряпмиз. Шу ўринда терма жамоамиз учун 2013 йилги мавсум ўз ношига етганини, футболчиларимиз навбатдаги расмий ўйинларини 2014 йилнинг 5 мартда БАА терма жамоасига қарши ўтказишларини айтиб ўтиш лозим.

### Автомобили VAZ

**от дилера «SARDOR AVTO INVEST»**

## VAZ Patriot (comfort) — пикап

Полноприводный (4x4)

**ЦЕНТРЫ ПРОДАЖ В ТАШКЕНТЕ:**  
 Тел./факс: (371) 215-09-11, 215-18-17.  
 Тел.: (+99891) 162-99-99, (+99898) 303-90-09.  
 (+99895) 177-01-17.

**Узнай больше на сайте [www.sardor-avto.uz](http://www.sardor-avto.uz)**

МУАССИС: Тадбиркорлар ва ишбилармонлар ҳаракати — Ўзбекистон Либерал-демократик партияси.  
 «XXI ASR» иқтимоий-сисий газетаси Ўзбекистон Матбуот ва ахборот агентлигида 2011 йил 14 июнда 0009 рақами билан қайта рўйхатдан ўтган.  
 Буюртма рақами: J 8552 Тираж: 15977  
 Баҳоси келишилган нарҳда  
 Топшириқди — 2000

**НАШР КЎРСАТКИЧИ: 406**

ISSN 2181-497X

9 772181 497004

Навбатчилар: Ш.ХУҲАЕВ, Б.ИСРОИЛОВ.